

Na osnovu člana 37. stav 1. tačka f) Ustava Zeničko-dobojskog kantona i člana 32. stav Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj: 39/03, 22/06 i 43/10) Skupština Zeničko – dobojskog kantona na 6. sjednici održanoj 4.05.2011. godine, d o n o s i,

Z A K O N
O NADLEŽNOSTIMA KANTONALNIH ORGANA ZENIČKO-DOBOJSKOG
KANTONA U OBLASTI ZAŠTITE I SPAŠAVANJA LJUDI I MATERIJALNIH
DOBARA OD PRIRODNIH I DRUGIH NESREĆA

(„Službene novine Zeničko-dobojskog kantona“, broj: 9/08 i 6/11)

DIO PRVI - OPĆE ODREDBE

Član 1.
(Predmet)

Ovim Zakonom, u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10, u daljem tekstu: Zakon o zaštiti i spašavanju), uređuju se nadležnosti kantonalnih organa u oblasti zaštite i spašavanja ljudi, biljnog i životinjskog svijeta, materijalnih, kulturnih, istorijskih i drugih dobara i okoliša od prirodnih nepogoda, tehničko-tehnoloških i drugih nesreća (u daljem tekstu: prirodne i druge nesreće) na području Zeničko-dobojskog kantona (u daljem tekstu: Kanton).

Član 2.
(Funkcije i elementi sistema zaštite i spašavanja)

(1) Zaštita i spašavanje od prirodnih i drugih nesreća obuhvata: programiranje, planiranje, organizovanje, obučavanje i osposobljavanje, sprovođenje, nadzor i finansiranje mjera i aktivnosti za zaštitu i spašavanje od prirodnih i drugih nesreća s ciljem sprečavanja opasnosti, smanjenja broja nesreća i žrtava, te otklanjanja i ublažavanja štetnih djelovanja i posljedica prirodnih i drugih nesreća.

(2) Poslovi zaštite i spašavanja ljudi i materijalnih dobara od prirodnih i drugih nesreća su od općeg interesa za Kanton.

Član 3.
(Vrste prirodnih i drugih nesreća)

U smislu ovog zakona pod pojmom:

a) prirodne nepogode podrazumjevaju se događaji koji su uzrokovani djelovanjem prirodne sile na koje ljudski faktor ne može uticati kao što su: zemljotres, poplava, visoki snijeg i snježni nanosi, olujni ili orkanski vjetar, grad, prolom oblaka, klizište, suša, hladnoća, te masovne pojave ljudskih, životinjskih i biljnih bolesti,

b) pod tehničko-tehnološkim nesrećama podrazumjevaju se događaji koji su izmakli kontroli pri obavljanju određene djelatnosti ili upravljanja određenim sredstvima za rad i rad s opasnim tvarima, naftom i njenim derivatima i energetskim gasovima tokom njihove proizvodnje, prerade, upotrebe, skladištenja, pretovara, prevoza ili uklanjanja, čije posljedice ugrožavaju ljude i materijalna dobra; i

c) druge nesreće podrazumjevaju velike nesreće u cestovnom, željezničkom, vazdušnom ili pomorskom saobraćaju, požar, rudarske nesreće, rušenje brana, atomske, nuklearne ili druge nesreće koje uzrokuje čovjek svojim aktivnostima, rat, vanredno stanje ili drugi oblici masovnog stradanja ljudi i uništavanja materijalnih dobara.

Član 4. **(Osiguranje organizacije zaštite i spašavanja)**

(1) Kanton osigurava izgradnju jedinstvene organizacije zaštite i spašavanja na području Kantona, u skladu sa ovim zakonom, Zakonom o zaštiti od požara i vatrogastvu ("Službene novine Federacije BiH", broj 64/09, u daljem tekstu: Zakon o zaštiti od požara i vatrogastvu) i drugim propisima, planovima i drugim dokumentima kojima se uređuju pitanja organizovanja, razvoja, pripremanja, finansiranja, opremanja i upotrebe snaga i sredstava namijenjenih za zaštitu i spašavanje ljudi i materijalnih dobara od prirodnih i drugih nesreća.

(2) Svi vidovi zaštite od prirodnih i drugih nesreća organizuju se i provode u skladu sa načelima međunarodnog humanitarnog prava i međunarodnog prava o zaštiti ljudi i materijalnih dobara od prirodnih i drugih nesreća.

Član 5. **(Ostvarivanje zaštite i spašavanja)**

Jedinstvena organizacija zaštite i spašavanja ljudi i materijalnih dobara od prirodnih i drugih nesreća na području Kantona, ostvaruje se organiziranjem i poduzimanjem sljedećih mjera i aktivnosti:

- a) otkrivanjem, praćenjem i sprečavanjem opasnosti od prirodnih i drugih nesreća;
- b) obavještanjem stanovništva o opasnostima i davanja uputstava za zaštitu i spašavanje;
- c) obučavanjem i osposobljavanjem za zaštitu i spašavanje;
- d) organizovanjem, opremanjem, obučavanjem i osposobljavanjem civilne zaštite i uspostavljanjem i održavanjem drugih vidova zaštite i spašavanja,
- e) mobilizacijom i aktiviranjem snaga i sredstava za zaštitu i spašavanje;
- f) otklanjanjem posljedica prirodnih i drugih nesreća do obezbjeđenja osnovnih uslova za život;
- g) nadzorom nad sprovođenjem propisa o zaštiti od prirodnih i drugih nesreća;
- h) pružanjem pomoći općinama Kantona i drugim kantonima i
- i) traženjem pomoći od drugih kantona i Federacije BiH.

Član 6.

(Organizacija civilne zaštite)

Mjere i aktivnosti iz člana 5. ovoga zakona na području Kantona ostvaruju se putem civilne zaštite koja predstavlja organizirani oblik zaštite i spašavanja ljudi i materijalnih dobara od prirodnih i drugih nesreća, a čija organizacija obuhvata: ličnu i uzajamnu zaštitu građana, mjere zaštite i spašavanja, štabove civilne zaštite, povjerenike civilne zaštite, službe zaštite i spašavanja, jedinice civilne zaštite, rukovođenje i upotrebu snaga i sredstava civilne zaštite i Kantonalna uprava civilne zaštite (u daljem tekstu: Kantonalna uprava) i službe civilne zaštite općina.

Član 7.

(Nosioци zaštite i spašavanja i principi njihovog djelovanja)

(1) Zaštitu i spašavanje na području Kantona provode građani kroz ličnu i uzajamnu zaštitu.

(2) Mjere zaštite i spašavanja predstavljaju organizovane radnje i postupke preventivne i operativne prirode koje organi uprave i drugi organi vlasti Kantona i općina, privredna društva i druga pravna lica (u daljem tekstu: nosioци zaštite i spašavanja) pripremaju i sprovode mjere i postupke od značaja za provođenje preventivne zaštite kao osnovnog vida sprečavanja nastajanja prirodne ili druge nesreće ili ublažavanja njenog djelovanja kao i mjere i postupke: u slučaju postojanja neposredne opasnosti od nastajanja prirodnih i drugih nesreća; tokom trajanja prirodnih i drugih nesreća; i tokom ublažavanja i otklanjanja posledica od prirodnih nesreća.

(3) Rukovođenje i upotrebu snaga i sredstava civilne zaštite na području Kantona vrši Kantonalni štab civilne zaštite (u daljem tekstu: Kantonalni štab), a na području općine općinski štabovi civilne zaštite, od dana kada nadležni organ vlasti proglasi nastanak prirodne ili druge nesreće pa do momenta kada nadležni organ vlasti proglasi da je prestalo stanje prirodne i druge nesreće.

(4) Službe zaštite i spašavanja, jedinice i povjerenici civilne zaštite predstavljaju snage civilne zaštite koje u okviru svojih prava i dužnosti, a na principima saradnje, solidarnosti i uzajamnosti sa drugim učesnicima učestvuju u sprječavanju, otklanjanju ili ublažavanju posljedica prirodnih ili drugih nesreća na svom području.

(5) Zaštita i spašavanje života i zdravlja ljudi ima prioritet u odnosu na sve druge zaštitne i spasilačke aktivnosti.

DIO DRUGI - NADLEŽNOSTI KANTONALNIH ORGANA

POGLAVLJE I.

NADLEŽNOST SKUPŠTINE ZENIČKO-DOBOJSKOG KANTONA

Član 8.

(Djelokrug Skupštine)

(1) Skupština Zeničko-dobojskog kantona (u daljem tekstu: Skupština) donosi Program razvoja zaštite i spašavanja od prirodnih i drugih nesreća u Kantonu (u daljem

tekstu: Kantonalni program), koji mora biti usaglašen sa Programom razvoja zaštite i spašavanja ljudi i materijalnih dobara od prirodnih i drugih nesreća u Federaciji BiH.

(2) Skupština donosi Plan zaštite od požara Kantona.

(3) Skupština razmatra izvještaj o stanju priprema za zaštitu i spašavanje ljudi i materijalnih dobara, sa mjerama za organiziranje, razvoj i jačanje civilne zaštite u Kantonu.

(4) Skupština osigurava finansiranje poslova civilne zaštite iz Budžeta Kantona.

POGLAVLJE II.

NADLEŽNOST VLADE ZENIČKO-DOBOJSKOG KANTONA

Član 9. (Djelokrug Vlade)

Vlada Zeničko-dobojskog kantona (u daljem tekstu: Vlada Kantona) je nadležna da:

a) donosi Procjenu ugroženosti od prirodnih i drugih nesreća u Kantonu (u daljem tekstu: Kantonalnu procjenu);

b) predlaže Kantonalni program;

c) donosi Plan zaštite i spašavanja od prirodnih i drugih nesreća Kantona (u daljem tekstu: Kantonalni plan), koji mora biti usklađen sa Planom zaštite od prirodnih i drugih nesreća Federacije BiH;

d) Predlaže Plan zaštite od požara Kantona;

e) donosi godišnji plan aktivnosti na realizaciji zadataka utvrđenih za zaštitu od požara i vatrogastvo;

f) razmatra stanje priprema za zaštitu i spašavanje u Kantonu i donosi mjere za organizovanje, razvijanje i jačanje struktura civilne zaštite u Kantonu;

g) donosi propise o organizovanju i funkcionisanju struktura civilne zaštite Kantona u skladu sa Zakonom o zaštiti i spašavanju, ovim zakonom i drugim propisima;

h) donosi akt o osnivanju Kantonalnog štaba, postavlja komandanta i načelnika Kantonalnog štaba i određuje funkcije u kantonalnim ministarstvima i drugim tijelima uprave Kantona, čiji su nosioci po položaju članovi Kantonalnog štaba;

i) proglašava nastanak prirodne i druge nesreće na području Kantona na prijedlog Kantonalnog štaba;

j) uređuje pitanja finansiranja zaštite i spašavanja i osigurava potrebna finansijska sredstva u Budžetu Kantona za finansiranje potreba zaštite i spašavanja iz nadležnosti Kantona;

k) određuje pravna lica i udruženja od kojih će se organizovati službe zaštite i spašavanja, a iste će djelovati na području Kantona;

l) u slučaju kada ne postoje uslovi za organizovanje službi u pravnim licima, Vlada Kantona, na prijedlog Kantonalne uprave može shodno Kantonalnoj procjeni osnovati samostalne službe zaštite i spašavanja za potrebe Kantona;

m) odlučuje o formiranju jedinica civilne zaštite specijalizovane namjene u Kantonu na prijedlog Kantonalne uprave;

n) utvrđuje kriterije i prioritete za pružanje jednokratne pomoći općinama za otklanjanje šteta izazvanih nastankom prirodnih i drugih nesreća, u skladu sa Uredbom o jedinstvenoj metodologiji za procjenu šteta od prirodnih i drugih nesreća („Službene novine Federacije BiH“, broj: 75/04, 38/06, 52/09 i 56/09);

o) formira kantonalnu komisiju za procjenu šteta na prijedlog Kantonalne uprave;

p) donosi plan korištenja sredstava ostvarenih po osnovu posebne naknade za zaštitu od prirodnih i drugih nesreća u Zeničko-dobojskom kantonu;

r) usvaja godišnji izvještaj o radu Kantonalnog štaba;

s) donosi Program rada za izradu Kantonalnog plana;

t) donosi Odluku o pristupanju izrade Kantonalne procjene i usvaja na prijedlog Kantonalne uprave akcijski plan na njenoj izradi; i

š) obavlja i druge poslove zaštite i spašavanja u skladu sa zakonom i drugim propisima.

POGLAVLJE III.

NADLEŽNOST MINISTARSTAVA I DRUGIH TIJELA UPRAVE KANTONA

Član 10.

(Djelokrug ministarstava i drugih tijela uprave)

(1) Kantonalna ministarstva, kantonalne uprave, kantonalne upravne organizacije, Stručna služba Skupštine, stručne službe Vlade Kantona u okviru svog djelokruga, u oblasti zaštite i spašavanja, sopstvenim planom zaštite i spašavanja za vlastite potrebe organiziraju, planiraju i osiguravaju provođenje preventivnih mjera zaštite za zaštitu državnih službenika i namještenika, materijalnih sredstava i objekata koje koriste u svom radu.

(2) Organi iz stava (1) ovog člana, organizuju i provode zaštitu od požara radi zaštite ljudstva i materijalnih dobara koja koriste u svome radu.

(3) Rukovođenje akcijama zaštite i spašavanja u organu uprave i drugom organu vlasti, odnosno samo u objektima i prostorima tih organa vrši rukovodilac organa, čije naredbe realizuje povjerenik civilne zaštite.

(4) Povjerenike postavlja i razrješava rukovodilac koji rukovodi organom, odnosno ustanovom ili za slučaj postojanja zajedničkog povjerenika sporazumno rukovodioci koji rukovode tim organima, odnosno ustanovama.

Član 11.

(Nadležnosti ministarstava, upravnih organizacija i stručnih službi)

(1) Kantonalna ministarstva i drugi kantonalni organi upravne, u skladu sa Zakonom o zaštiti i spašavanju i ovim Zakonom, u okviru svojih nadležnosti, u oblasti zaštite i spašavanja:

a) učestvuju u izradi osnovnih dokumenata zaštite i spašavanja Kantona, Kantonalne procjene, Kantonalnog programa i Kantonalnog plana i odgovorni su za stanje zaštite i spašavanja na području Kantona iz oblasti za koju su osnovani;

b) realizuju mjere zaštite i spašavanja Kantona, svako u oblasti za koju je osnovan, a koordinaciju aktivnosti na vršenju tih zadataka ostvaruje Kantonalna uprava;

c) u okviru svoje redovne djelatnosti zadatke iz faze preventivne zaštite utvrđene Kantonalnim planom planiraju kao i druge poslove, utvrđene godišnjim programom rada;

d) provode mjere zaštite i spašavanja ljudi i materijalnih dobara iz svoje oblasti predviđene fazu pripravnosti, za fazu spašavanja i fazu otklanjanja posljedica utvrđene Kantonalnim planom, a posebno mjere koje naredi Kantonalni štab koje se odnose: na angažovanje organa uprava i drugih organa Kantona, službi zaštite spašavanja, privrednih društava i drugih pravnih lica naručito u oblasti zdravstva, veterinarstva, stambenih i komunalnih poslova, vodoprivrede, šumarstva, poljoprivrede, industrije, rudarstva, građevinarstva, transporta, opskrbe, ugostiteljstva, ekologije i drugih;

e) daju podatke Kantonalnom operativnom centru o pojavama i opasnostima koje mogu dovesti do pojave prirodne i druge nesreće kao i podatke kada nastane ta nesreća i u toku otklanjanja posljedica;

f) ostvaruju stalnu saradnju sa Kantonalnom upravom u rješavanju svih pitanja od značaja

za planiranje, organizovanje i sprovođenje zaštite i spasavanja ljudi i materijalnih dobara iz nadležnosti Kantona;

g) pružaju stručnu i drugu pomoć općinskim službama za uprave kada one obavljaju aktivnosti iz oblasti zaštite i spasavanja ljudi i materijalnih dobara;

h) ostvaruju stalnu saradnju i koordinaciju s organima uprave u Federaciji BiH, u sprovođenju preventivnih mjera zaštite i spasavanja, kao i u sprovođenju operativnih mjera kada nastane stanje prirodne i druge nesreće na području Kantona, Federacije BiH;

i) učestvuju u izradi Elaborata za izvođenje zajedničkih i samostalnih vježbi zaštite i spašavanja; i

j) obavljaju i druge poslove u oblasti zaštite i spašavanja u skladu sa zakonom, drugim propisima i općim aktima.

(2) Ministarstvo za prostorno uređenje, promet i komunikacije i zaštitu okoline Zeničko- dobojskog kantona donosi rješenje o oslabadanju investitora od obaveze izgradnje skloništa, odnosno rješenje o visini naknade za izgradnju skloništa na način kako je to propisano članom 53. i 54. Zakona o zaštiti i spašavanju.

POGLAVLJE IV.

NADLEŽNOST KANTONALNE UPRAVE

Član 12.

(Djelokrug Kantonalne uprave)

(1) Upravne, stručne i druge poslove iz oblasti zaštite i spašavanja i zaštite od požara i vatrogastva iz nadležnosti Kantona vrši Kantonalna uprava kao samostalna kantonalna uprava.

(2) Kantonalna uprava obavlja sljedeće poslove:

a) organizuje, priprema i prati funkcionisanje zaštite i spašavanja na području Kantona;

b) izrađuje Kantonalnu procjenu, u saradnji sa kantonalnim ministarstvima i drugim kantonalnim organima uprave;

c) priprema Kantonalni program;

d) predlaže Kantonalni plan i plan korištenja sredstava ostvarenih po osnovu posebne naknade za zaštitu od prirodnih i drugih nesreća u Kantonu;

e) priprema Plan zaštite od požara Kantona, u saradnji sa kantonalnim ministarstvima;

f) predlaže godišnji plan aktivnosti na realizaciji zadataka utvrđenih za zaštitu od požara i vatrogastvo;

g) izrađuje Plan deminiranja za područje Kantona;

h) koordinira poslove u oblasti deminiranja i uklanjanje neeksplozivnih ubojnih sredstava na području Kantona;

i) prati stanje priprema zaštite i spašavanja i predlaže mjere za unapređenje organizacije i osposobljavanja civilne zaštite Kantona i općina;

j) organizira i provodi obučavanje Kantonalnog štaba, jedinica civilne zaštite specijalizovane namjene, službi zaštite i spašavanja koje formira Kanton i povjerenika i državnih službenika i namještenika iz kantonalnih organa uprave i drugih tijela kantonalne uprave;

k) organizuje i koordinira provedbu mjera zaštite i spašavanja te organizuje i provodi poslove zaštite od požara i vatrogastva;

l) organizuje Kantonalni operativni centar civilne zaštite i obezbjeđuje njegov rad, koji se vrši u skladu sa Pravilnikom o organiziranju i funkcionisanju operativnih centara civilne zaštite („Službene novine Federacije Bosne i Hercegovine“, broj: 8/07);

m) predlaže programe zajedničkih i samostalnih vježbi i izradu elaborata za izvođenje vježbi pripadnika civilne zaštite, organa uprave, privrednih društava i drugih pravnih lica iz oblasti zaštite i spašavanja;

n) predlaže i poduzima mjere za popunu ljudstvom Kantonalnog štaba, jedinica civilne zaštite i službi zaštite i spašavanja koje formira Kanton, te njihovo opremanje materijalno-tehničkim sredstvima;

o) obavlja funkciju stručne službe Kantonalnog štaba;

p) priprema propise u oblasti zaštite i spašavanja iz nadležnosti Kantona;

r) organizira i provodi obuku stanovništva i pruža pomoć službama civilne zaštite općina u vršenju poslova iz njihove nadležnosti;

s) vrši inspekcijski nadzor iz oblasti zaštite i spašavanja i zaštite od požara i vatrogastva te upravni nadzor u skladu sa članom 143. i 144. Zakona o zaštiti od požara i vatrogastvu;

t) podstiče, usmjerava i koordinira aktivnosti kantonalnih organa uprave i drugih organa kantonalne uprave na vršenju poslova zaštite i spašavanja iz njihove nadležnosti;

u) ostvaruje obaveznu saradnju sa Federalnom upravom civilne zaštite po pitanjima od zajedničkog interesa za Kanton i Federaciju BiH;

q) vodi drugostepeni postupak kod utvrđivanja sposobnosti građana za učešće u zaštiti i spašavanju, po nalazu i mišljenju drugostepene ljebarske komisije;

v) formira drugostepenu ljebarsku komisiju radi utvrđivanja sposobnosti građana za učešće u zaštiti i spašavanju.

z) odlučuje o pravu na jednokratnu pomoć za pripadnike civilne zaštite koji su po Odluci Vlade Kantona o proglašenju prirodne i druge nesreće angažovani od strane Kantonalne uprave ili Kantonalnog štaba; i

ž) vodi propisane evidencije i vrši druge poslove zaštite i spašavanja u skladu sa zakonom, drugim propisima i općim aktima.

POGLAVLJE V.

NADLEŽNOST KANTONALNOG ŠTABA

Član 13. (Osnivanje)

(1) Za rukovođenje akcijama zaštite i spašavanja na području Kantona, te za obavljanje drugih poslova u zaštiti i spašavanju, u skladu sa Zakonom o zaštiti i spašavanju, ovim Zakonom i drugim propisima, osniva se Kantonalni štab kao operativno-stručni organ.

(2) Vlada Kantona osniva Kantonalni štab. Kantonalni štab sastoji se od komandanta, načelnika i članova štaba, koje postavlja i razrješava Vlada Kantona.

Član 14. (Proglašavanje prirodne nesreće)

Ako prijeti ili je nastala prirodna ili druga nesreća velikih razmjera na području dvije ili više općina istovremeno, odnosno na cijelom prostoru jedne općine, a snage i sredstva tih općina, odnosno te općine nisu dovoljna za spriječavanje opasnosti, odnosno otklanjanje posljedica njihovih djelovanja, Vlada Kantona na prijedlog Kantonalnog štaba proglašava stanje prirodne ili druge nesreće.

Član 15. (Djelokrug Kantonalnog štaba)

U rukovođenju akcijama zaštite i spašavanja Kantonalni štab obavlja sljedeće poslove:

- a) predlaže proglašenje stanja prirodne ili druge nesreće Vladi Kantona;
- b) odlučuje o upotrebi snaga i sredstava civilne zaštite na zaštiti i spašavanju ugroženih i nastradalih ljudi i materijalnih dobara i te snage raspoređuju na ona područja koja su ugrožena;

c) naređuje provođenje odgovarajućih mjera zaštite i spašavanja i određuje snage i sredstva koje će provoditi te mjere;

d) usmjerava, koordinira i upravlja akcijama zaštite i spašavanja svih učesnika angažovanih na zaštiti i spašavanju na svome području;

e) naređuje općinskim štabovima civilne zaštite, štabovima civilne zaštite pravnih lica u kojima su ti štabovi osnovani i službama zaštite i spašavanja koje formira Vlada Kantona da učestvuju u poduzimanju mjera i aktivnosti na zaštiti i spašavanju na određenom području;

f) naređuje angažovanje snaga i sredstava civilne zaštite sa područja jedne općine na ugroženo područje druge općine na području Kantona;

g) izvršava naredbe upućene od Federalnog štaba civilne zaštite, na preduzimanju mjera i aktivnosti na zaštiti i spašavanju;

h) predlaže Vladi Kantona mjere za prevazilaženje stanja nastalih usljed prirodne ili druge nesreće;

i) rješava sva pitanja koja se tokom provođenja aktivnosti na zaštiti i spašavanju pojave u vezi angažovanja snaga i sredstava civilne zaštite i provođenju mjera zaštite i spašavanja i samozaštite građana;

j) saraduje sa zdravstvenim ustanovama, organizacijom crvenog krsta i drugim humanitarnim organizacijama u cilju obezbjeđenja krvi i krvne plazme, te obaveznih rezervi neophodnih lijekova i sanitetskog materijala;

k) u slučaju opasnosti nalaže oslobađanje skloništa, odnosno javnih skloništa i stavljanje istih na raspolaganje za sklanjanje ljudi i materijalnih dobara; i

l) obavlja i druge poslove iz svoje nadležnosti.

POGLAVLJE VI.

SARADNJA KANTONALNIH ORGANA SA OPĆINSKIM ORGANIMA

Član 16. (Zajednički interes)

U obavljanju poslova zaštite i spašavanja kantonalni organi su dužni ostvarivati stalnu saradnju sa odgovarajućim općinskim organima u onim pitanjima koja su od zajedničkog interesa.

DIO TREĆI – PRELAZNE I ZAVRŠNE ODREDBE

Član 17. (Općinski propisi)

Općine su dužne svojim propisima utvrditi nadležnost općinskih organa u oblasti zaštite i spašavanja koja su Zakonom o zaštiti i spašavanju stavljena u nadležnost općine.

Član 18.
(Stupanje na snagu)

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj:01-02-11811/11
Zenica, 05.05.2011.god.

PREDSJEDAVAJUĆI

Miralem Galijašević, s.r.